



KEMENTERIAN PEMBANGUNAN
USAHAWAN DAN KOPERASI
Ministry of Entrepreneur Development and Cooperatives



KENYATAAN MEDIA

PROGRAM BIZFRANCAIS SABAH SEDIA PLATFORM BANTU USAHAWAN SETEMPAT

KOTA KINABALU, 21 September 2020 – Kementerian Pembangunan Usahawan dan Koperasi (MEDAC) bersama agensi di bawahnya, Perbadanan Nasional (PNS) memperhebatkan usaha bagi membantu usahawan-usahawan Negeri Di Bawah Bayu itu dengan penganjuran Program BizFrancais Sabah 2020. Program ini dirasmikan oleh YB Dato Sri Dr. Haji Wan Junaidi bin Tuanku Jaafar, Menteri Pembangunan Usahawan dan Koperasi (MEDAC).

Program yang berlangsung di Magellan Sutera Harbour Resort, Kota Kinabalu ini merupakan lokasi pertama bagi siri jelajah yang bakal dilaksanakan ke negeri-negeri lain sekitar Malaysia termasuklah Pahang, Johor dan Sarawak. Program ini merupakan siri jelajah kali kedua diadakan setelah mendapat sambutan yang amat mengalakkan pada tahun lalu.

Program BizFrancais Sabah pada tahun ini berjaya menarik minat seramai hampir 250 peserta dari kalangan usahawan, bakal usahawan dan orang awam yang berminat untuk mengetahui lebih lanjut mengenai ilmu keusahawanan terutamanya dalam bidang francais dan bantuan yang ditawarkan oleh PNS.

Program ini merupakan inisiatif MEDAC dan PNS bagi pembentukan usahawan yang komprehensif dengan membantu usahawan dan bakal-bakal usahawan bagi mencari peluang menceburi bidang perniagaan khususnya perniagaan francais. Program selama satu (1) hari ini meliputi sesi perkongsian ilmu dari usahawan francais, taklimat

dari agensi kerajaan seperti PNS, Suruhanjaya Syarikat Malaysia (SSM), Perbadanan Harta Intelek Malaysia (MyIPO), Kementerian Perdagangan dan Perindustrian Sabah (MTI), Jabatan Pembangunan Perindustrian dan Penyelidikan (DIDR), Bank Negara Malaysia (BNM) dan Perbadanan Pembangunan Ekonomi Sabah (SEDCO) serta “Business Pitching” bersama-sama para usahawan francais, para-francais dan program Business In Transformation (B.I.T) PNS.

Program ini turut mengumpulkan jenama-jenama francais di bawah satu bumbung dan memberi peluang kepada peserta yang hadir bagi mendapatkan input serta meneroka potensi bidang perniagaan francais. Terdapat 12 jenama yang turut menyertai program hari ini seperti Marrybrown, Myeongdong Topokki, 1901, Mok Corner, Smart Reader Kids, Gloria Jean’s Coffees, Nuvis, Sinar Suria, Sportmart, Genius Aulad, Sunriz dan Borneo Vending Expert (BVE). Tidak terkecuali usahawan tempatan yang lahir dari Program BIT PNS seperti Cendol Ina, Alap-Alap, The Hot Puff, Damito, Keropok Lekor Mashyur.

Sebanyak RM6,327.132.00 jumlah pembiayaan yang telah dikeluarkan bagi tujuh (7) program BizFrancais yang berlangsung pada tahun lalu bagi membantu para usahawan francais dan sebanyak RM1,193,418.00 daripadanya adalah daripada program BizFrancais Sabah sekaligus membuktikan sambutan positif usahawan setempat dalam meneroka bidang keusahawanan francais. Pada tahun 2019, jumlah pembiayaan keseluruhan yang telah diluluskan oleh PNS untuk para usahawan negeri Sabah adalah sebanyak RM3,121,128.00.

Mengulas mengenai sambutan yang menggalakkan bagi program ini, YB Dato Sri Dr. Haji Wan Junaidi bin Tuanku Jaafar menyatakan program ini merupakan satu bentuk usaha sama yang baik bagi memperkasakan lagi usahawan setempat dengan meningkatkan kesedaran mengenai francais sekaligus membantu mereka menaik taraf sosio ekonomi khususnya melalui program Business In Transformation (BIT) yang menggalakkan peniaga-peniaga PKS untuk mengembangkan perniagaan mereka melalui sistem francais.

“Kerjasama erat di antara MEDAC dan PNS membuktikan Kementerian dan agensi mampu membentuk jaringan kerjasama seterusnya melahirkan lebih ramai usahawan-usahawan baharu khususnya dalam industri francais. Usaha ini juga bagi memperkenalkan PNS dengan lebih dekat kepada para penduduk Sabah khususnya di sekitar Kota Kinabalu.”

“Kami akan terus komited melaksanakan pelbagai inisiatif bagi membangunkan usahawan tempatan agar lebih banyak perniagaan francais dapat dibuka di Sabah. Usaha ni juga sekaligus menggalakkan pertumbuhan ekonomi khususnya meningkatkan pendapatan usahawan dan rakyat negeri ini secara amnya. Saya berharap penerapan budaya keusahawanan di bawah Dasar Keusahawanan Nasional 2030 (DKN 2030) akan menjadi pemangkin kepada proses transformasi ekonomi inklusif dan komuniti keusahawanan negara. ”

Turut hadir pada program tersebut ialah YBhg Dato’ Sri Haji Mohammad Bin Mentek, Ketua Setiausaha, Kementerian Pembangunan Usahawan dan Koperasi (MEDAC), YB Datuk Haji Zakaria bin Haji Mohd Edris, Pengerusi PNS dan YBrs. Encik Mohd Hilaluddin bin Abd Shukor, Ketua Pegawai Eksekutif PNS.

KEMENTERIAN PEMBANGUNAN USAHAWAN DAN KOPERASI

21 SEPTEMBER 2020